

# Akashvani, Sambalpur

## SAMBALPURI NEWS BULLETIN

11 February 2025- 6.47- 6.52 am.

\*\*\*\*\*

ଭାରତ ଶକ୍ତି ସପ୍ତାହ-ପ୍ରଧାନମନ୍ତ୍ରୀ ଆରବନ୍ଧୁ/ ସମ୍ବଲପୁର

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ନୂଆଦିଲ୍ଲୀର ଦ୍ଵାରିକା ଠାରେ ଆସନ୍ତୁ ସଖାଲବେଳା ଭାରତ ଶକ୍ତି ସପ୍ତାହ-୨୦୨୪ ର ଉଦ୍ଘାଟନ କରବେ । ପ୍ରଧାନମନ୍ତ୍ରୀ ଶ୍ରୀ ମୋଦୀ ଆଭାସୀ ଜରିଏ ଖାସ୍ ଉଦ୍‌ବୋଧନ ଦେବାର କାର୍ଯ୍ୟକ୍ରମ ରହିଛେ । ଇ ଅବସରେ ପ୍ରଧାନମନ୍ତ୍ରୀ ଗୁଟେ ବାର୍ତା ଜରିଏ କହିଛନ୍, ଭାରତ ଶକ୍ତି ସପ୍ତାହ ଖାଲି ଗୁଟେ କାର୍ଯ୍ୟକ୍ରମ ନୁହେଁ, ଇଟା ପୁରୁଥିର୍ ଲାଗି ଭାରତର ଭାବନାକେ ଦର୍ଶଉଛେ ।

ଏନ୍‌ସିସି କ୍ୟାଡେଟ୍- ବିମାନ ଚଳାଚଳ ତାଲିମ୍ I&PR

ଏନ୍‌ସିସି କ୍ୟାଡେଟମାନଙ୍କୁ ଉଡ଼ାଜାହାଜ୍ ଚଳାବାର ତାଲିମ୍ ଦେବାର ଲାଗି ଝାରସୁଗୁଡ଼ା ଉଡ଼ାଜାହାଜ୍ ପଡ଼ିଆଠାରେ ହେଙ୍ଗର୍

ଥାପନା କରାଯିବା । ମୁଖ୍ୟମନ୍ତ୍ରୀ ମୋହନ ଚରଣ ମାଝୀଙ୍କୁ ଗଲାକାଏଲ୍ ଭୁବନେଶ୍ୱରଠାରେ ଏନ୍‌ସିସି ମହାନିର୍ଦ୍ଦେଶକ୍ ଲେଫ୍ଟନାଣ୍ଟ ଜେନେରାଲ ଗୁରୁବୀର ପାଲ୍ ସିଂହ ଭେଟିକରି ଇ ବାବଦ୍ ଆଲୋଚନା କରିଛନ୍ । ବୈଠକର ସୂଚନା ଅନୁସାରେ, ଓଡ଼ିଶା ଏନ୍‌ସିସି ତାର କେଡେଟ୍ ସଂଖ୍ୟା ୬୦ ହଜାରରୁ ୯୦ ହଜାରକେ ବଢ଼ାବାର୍ ଯୁଜ୍ଜନା କରିଛେ । ସେତା ଏନ୍‌ସିସି କେନ୍ଦ୍ର ଥାପନା ଲାଗି କଟକ ଥାର ବ୍ରହ୍ମପୁରନ ୫ ଏକଡ଼ ଲେଖା ଜମି ଦିଆଯାଇଥିବାର୍ ବେଲେ ସମ୍ବଲପୁରନ ୧୦ ଏକଡ଼ ଜମି ଯୁଗେଇ ଦିଆଯିବା ବଳି ମୁଖ୍ୟମନ୍ତ୍ରୀଙ୍କର କାର୍ଯ୍ୟାଳୟ ତରଫୁ ସୂଚନା ଦିଆଯାଇଛେ ।

ଜାତୀୟ ମହିଳା କମିଶନ୍‌ର ଅଧକ୍ଷା I&PR

ମହିଳାମାନଙ୍କୁ ସଶକ୍ତ କରବାର୍ ଲାଗି ଥାର ସେମାନଙ୍କର ସମସ୍ୟାର୍ ସମାଧାନ ଲାଗି ଜାତୀୟ ମହିଳା କମିଶନ୍‌ର ଅଧକ୍ଷା ବିଜୟା ରାହତ୍‌ଙ୍କର ଥାଏଜ୍ ମଏଧାନର୍ ୨ ବଜେ ଭୁବନେଶ୍ୱର ଠାରେ ମହିଳାମାନଙ୍କର ଜନଶୁଣାଣି କରବେ । ଅଭିଯୋଗକାରୀ ମହିଳାମାନଙ୍କର ସମସ୍ୟାର୍ ତୁରନ୍ତି ସମାଧାନ ଲାଗି କାର୍ଯ୍ୟକ୍ରମ୍

ଜିଲ୍ଲା ମାଜିଷ୍ଟ୍ରେଟ୍, ପୁଲିସ୍ ଅଧିକାରୀ ଆଉ ବରିଷ୍ଠ  
ଅଧିକାରୀମାନେ ସାମିଲ୍ ରହେବେ ।

ସ୍ୱାସ୍ଥ୍ୟ ବିଭାଗ-ସମୀକ୍ଷା I&PR

ସ୍ୱାସ୍ଥ୍ୟ ବିଭାଗ ତରଫୁ ଗଲାକାଏଲ୍ ଭୁବନେଶ୍ୱରଠାରେ  
ଟେଲିଫୋନ୍ ଜରିଏ ଚିକିତ୍ସା ସେବା ବ୍ୟବସ୍ଥାର ସମୀକ୍ଷା ବୈଠକ  
ହେଇଯାଇଛି । ଡାକ୍ତରଖାନା, ମେଡିକାଲ୍ କଲେଜ ଆଉ ଭିନ୍  
ଭିନ୍ ଶିଶୁ ଚିକିତ୍ସା ପ୍ରତିଷ୍ଠାନମାନଙ୍କେ ଟେଲି ମେଡିସିନ୍  
ବ୍ୟବସ୍ଥାକେ ଅଧିକା ବରକସ୍ କରବାର ପରାମର୍ଶର ମାନ  
ବଢ଼ାବାର ଉପରେ ଆଲୋଚନା ହେଇଥିଲା ।

ଷ୍ଟାଡ଼ିୟମ୍ ତିଆରି- କ୍ରୀଡ଼ାମନ୍ଦିର I&PR

ଗ୍ରାମାଂଚଳ୍ନ ଖେଲକୁଦ୍ର ବିକାଶ ଲାଗି ରାଏଜର୍ ୩ ଶହ  
୧୪ଟା ଯାକ ବୁକ୍ନ ଷ୍ଟାଡ଼ିୟମ୍ ତିଆର କରାଯିବା ବଳି  
କ୍ରୀଡ଼ାମନ୍ଦିର ସୁଯ୍ୟବଂଶୀ ସୂରଜ୍ କହିଛନ୍ । ଇଥିରୁଲାଗି ସରକାର  
୪ ହଜାର ଶହେ ୨୪ କୋଟି ଟଙ୍କା ଖର୍ଚ୍ଚା କରବେ ବଳି କ୍ରୀଡ଼ା

ମନ୍ତ୍ରୀ କହେବାର୍ ସହେତେ ଯୋଜ୍ନାର ରୂପରେଖ ପ୍ରସ୍ତୁତ୍ କରଈଛନ୍ ।

ମେଟ୍ରିକ୍ ପରୀକ୍ଷା ଆର୍ଏନ୍ୟୁ/ସମ୍ବଲପୁର

ଓଡ଼ିଶା ମାଧ୍ୟମିକ୍ ଶିକ୍ଷା ପରିଷଦ୍ ତରଫୁଁ ହେବାର୍କେ ଥିବା ମେଟ୍ରିକ୍ ପରୀକ୍ଷା ଆଏବା ୨୧ ତାରିଖ୍ ନୁ ମୁଲ୍ ହେବା । ଇଥିରଲାଗି ଛାତ୍ରଛାତ୍ରୀମାନେ ବୋର୍ଡ୍ ଓ୍ଵେବ୍ସାଇଟ୍ ନୁ ଏଡ୍ମିଟ୍‌କାର୍ଡ୍ ପାଇପାର୍ବେ ବଲି ବୋର୍ଡ୍ କର୍ତ୍ତୃପକ୍ଷ କହିଛନ୍ ।

ଯୋରନ୍ଦା ମହିମା ଗାଦୀ-ମାଘମେଲା ଆର୍ଏନ୍ୟୁ/ସମ୍ବଲପୁର

ଡେଜାନାଲ୍ ଜିଲ୍ଲା ଯୋରନ୍ଦା ମହିମା ଗାଦୀ ନ ବିଶ୍ଵପ୍ରସିଦ୍ଧ ମାଘମେଲା ଆଏଜ୍ଠାନୁ ମୁଲ୍ ହେଉଛେ । ଆଏଜ୍ ବେଲ୍‌ବୁଡ଼େ ମହିମା ସନ୍ଧ୍ୟାସୀମାନେ ଝାଡ଼ଦ୍ଵୀପ ଜଲାବେ । ଆଏଜ୍ ଆର୍ ଆଏବା କାଏଲ୍ ଦୁଇ ଦିନ୍ ଧରିକରି ଗାଦୀ ମନ୍ଦିର୍, ଅଖଣ୍ଡ ଜ୍ୟୋତି ମନ୍ଦିର୍ ସହେତେ ସବୁ ଉପାସନା ପୀଠ ନ ଝାଡ଼ ଜଲ୍‌ବା । ପ୍ରଶାସନ୍ ଆର୍ ପୁଲିସ୍ ତରଫୁଁ ମେଲାର୍ ସୁପରିଚାଳନା ଲାଗି ବ୍ୟାପକ ପ୍ରସ୍ତୁତି କରାଯାଇଛେ ।

ଜନଅଭିଯୋଗ

ଶୁଣାଣି

ଶିବିର

ସମ୍ବଲପୁର/ ବୌଦ୍ଧ/ ସୋନପୁର/ ବରଗଡ଼

ପଶ୍ଚିମ ଓଡ଼ିଶାର ଭିନ୍ନ ଭିନ୍ନ ଜିଲ୍ଲାନ ଗଲାକାଏଲ୍ ମିଳିତ୍ ଜନଶୁଣାଣି ଶିବିର ହେଇଯାଇଛେ । ଜିଲ୍ଲାପାଲ୍ ଆର୍ ଏସ୍.ପି. ଶିବିରମାନଙ୍କେ ଉପସ୍ଥିତ୍ ରହିକରି ଅଭିଯୋଗମାନଙ୍କର୍ ସମାଧାନ କର୍ବାର୍ ସହେତେ ଦରକାରୀ ପଦକ୍ଷେପ୍ ନେବାର୍‌କେ ବିଭାଗୀୟ ଅଧିକାରୀମାନଙ୍କୁ ନିର୍ଦ୍ଦେଶ୍ ଦେଇଛନ୍ ।

ସମ୍ବଲପୁର ଜିଲ୍ଲା ବାମ୍ବରା ବ୍ଲକ୍ କାର୍ଯ୍ୟାଳୟ ଠାନ୍ ଅତିରିକ୍ତ ଜିଲ୍ଲାପାଲ୍ ଆର୍ କୁଟିଣ୍ଡା ଉପ ଜିଲ୍ଲାପାଲ୍‌ଙ୍କର୍ ଉପସ୍ଥିତିଥ୍ ହେଇଥ୍‌ବା ଜନଶୁଣାଣି ଶିବିରଥ୍ ୨୯ ଟା ଅଭିଯୋଗ୍ ଆସିଥିଲା ।

ବୌଦ୍ଧ ଜିଲ୍ଲା ହର୍ଭଜା ବ୍ଲକ୍ କାର୍ଯ୍ୟାଳୟ ଠାନ୍ ହେଇଥ୍‌ବା ଜିଲ୍ଲାପାଲ୍ ଆର୍ ଆରକ୍ଷୀ ଅଧିକାର୍‌ଙ୍କର୍ ଜନଶୁଣାଣି ଶିବିରଥ୍ ୫୧ ଟା ଅଭିଯୋଗ୍ ଶୁଣାଣି କରିକରି ତୁରନ୍ତି ସମାଧାନ୍ କରିଥିଲେ ।

ସୁବର୍ଣ୍ଣପୁର ଜିଲ୍ଲା ବାମନହାରାଜପୁର ବ୍ଲକ୍ ନ ଜିଲ୍ଲାପାଲ୍ ଆର ଆରକ୍ଷୀ ଅଧିକାରୀଙ୍କ ୫୯ ଟା ଅଭିଯୋଗର ତୁରନ୍ତ ସମାଧାନ ଲାଗି ଅଧିକାରୀମାନଙ୍କୁ ନିର୍ଦ୍ଦେଶ ଦେଇଥିଲେ ।

ବରଗଡ଼ ପଂଚାୟତ୍ ସମିତି କାର୍ଯ୍ୟାଳୟ ନ ମିଳିତ୍ ଜନ ଅଭିଯୋଗ ଶୁଣାଣି ଶିବିର ଥି ୨୦ ଟା ଅଭିଯୋଗର ଶୁଣାଣି କରାଯାଇଥିଲା ।

ଦେବଗଡ଼ ଜିଲ୍ଲା ବାରକୋଟ ବ୍ଲକ୍ ସମ୍ମିଳନୀ କକ୍ଷ ଠାରେ ଜିଲ୍ଲାପାଲ୍ ୨୧ ଟା ଅଭିଯୋଗ ଗ୍ରହଣ କରିକରି ଆବଶ୍ୟକ ପଦକ୍ଷେପ ନେବାରକେ ଅଧିକାରୀମାନଙ୍କୁ ନିର୍ଦ୍ଦେଶ ଦେଇଥିଲେ ।

କୁମ୍ଭମେଳା-ବରଗଡ଼ ବସ୍ ଆରବନ୍ଧୁ/ ସମ୍ବଲପୁର

କୁମ୍ଭମେଳା -୨୦୨୫ ଲାଗି ବରଗଡ଼କୁ ଅଯୋଧ୍ୟାକେ ବସ୍ ସେବା ଗଲାକାଏଲ୍ ମୁଲ୍ ହେଇଛେ । କାର୍ଯ୍ୟକ୍ରମକେ ବରଗଡ଼ ବିଧାୟକ୍ ଅଶ୍ୱିନୀ ଷଡ଼ଙ୍ଗୀ ଉଦ୍ଘାଟନ୍ କରିଥିଲେ । ମହାକୁମ୍ଭ ଲାଗି ମୁଲ୍ ହେଇଥିବା ଇ ବସ୍ ସେବା ୧୭ ଆର୍ ୨୪ ତାରିଖ୍ ଦିନ ଭିଲ୍ ବରଗଡ଼ ନୁ ଅଯୋଧ୍ୟା ଯାତ୍ରା କରବା ବଲି ବିଧାୟକ୍ ଶ୍ରୀ ଷଡ଼ଙ୍ଗୀ କହିଛନ୍ ।

ସାଂସଦ୍ ଖେଲକୁଦ୍ ପ୍ରତିଯୋଗିତା

ଆର୍ୟନ୍ୟୁ/ ସମ୍ବଲପୁର

ସମ୍ବଲପୁର ବୀରସୁରେନ୍ଦ୍ର ସାଏ ଷ୍ଟାଡ଼ିୟମ୍ ଠାରେ ସାଂସଦ୍ କ୍ରୀଡ଼ା ମହୋତ୍ସବର ସାଂସଦ୍ ଖେଲକୁଦ୍ ପ୍ରତିଯୋଗିତା ହେଇଯାଇଛି । ଆଘୋନୁ ହେଇଥିବା ପ୍ରତିଯୋଗିତା ଯୁ ଜିତିଥିବା ଖେଲାଳିମାନଙ୍କୁ ନେଇକରି ଜିଲ୍ଲାସ୍ତରୀୟ ପ୍ରତିଯୋଗିତା କୁଟିଷ୍ଟା ରେଡ଼ାଖୋଲ୍ ଆର୍ ସମ୍ବଲପୁରେ ହେଇଥିଲା । ଉତ୍ସବ୍ ସମ୍ବଲପୁର ଆଇ.ଜି. ହିମାଂଶୁ ଲାଲ୍ ଯୋଗ୍ ଦେଇକରି ଖେଲାଳିମାନଙ୍କୁ ପୁରସ୍କୃତ୍ କରିଥିଲେ ।

ଜାତୀୟ କ୍ରୀଡ଼ା

ଆର୍ୟନ୍ୟୁ/ ସମ୍ବଲପୁର

ଉତ୍ତରାଖଣ୍ଡ ନ ଚାଲିଥିବା ୩୮ ନମ୍ବର୍ ଜାତୀୟ କ୍ରୀଡ଼ା ଥି ଆଏଜ୍ ଓଡ଼ିଶାକେ ଆଉ ୪ ଟା ପଦକ୍ ମିଳିଛି । ମଡର୍ଣ୍ଣ ପେଟାଥଲନ୍ ବାଇଥଲେ ବ୍ୟକ୍ତିଗତ ବର୍ଗ୍ ଥି ରାୟଗୁରୁ ସୁର୍ଯ୍ୟାଂଶ ମହାପାତ୍ର ସ୍ପର୍ଣ୍ଣପଦକ୍, ପ୍ରଣବ୍ ଦାସ ରୌପ୍ୟ ପଦକ୍ ଜିତିଥିବାର୍ ବେଲେ ଟିମ୍ ବର୍ଗ୍ ଥି ଓଡ଼ିଶା ଦଲ୍ ରୌପ୍ୟ ପଦକ୍ ଜିତିଛି । ସେନ୍ତା ମହିଳା ଦଲ୍ ଜିମ୍ନାଷ୍ଟିକ୍ ଥି ହୋର୍ ପଦକ୍ ଜିତିଛି ।

## ପାଣିପାଗ ଆରବନ୍ଧୁ/ ସମ୍ବଳପୁର

ରାଏଜେ ତାପମାତ୍ରା ସାମାନ୍ୟ କମ୍‌ବାର୍ ସହେତେ ଶୀତ ବଢ଼ିଛି । ହେଲେ ଆସବା ୨୪ ଘଂଟା ଭିତରେ ରାଏଜର୍ ସବୁନୁ କମ୍ ତାପମାତ୍ରା ୨ନୁ ୩ ଡିଗ୍ରୀ ତକ୍ ବଢ଼ିବା । ସମୁଦ୍ର ଖଡ଼ି ଇଲାକାର ଜିଲ୍ଲାମାନଙ୍କେ କୁହୁଡ଼ି ଦେଖାଯିବା ବଳି ଭୁବନେଶ୍ୱର ଆଂଚଳିକ୍ ପାଣିପାଗ୍ ବିଜ୍ଞାନ କେନ୍ଦ୍ର ଅନୁମାନ କରୁଛି । ଗଲାକାଏଲ୍ ରାଏଜର ୧୨ଟା ସହରର ସବୁନୁ ଯହ୍ ତାପମାତ୍ରା ୩୩ ଡିଗ୍ରୀ ଉପରେ ରହିଥିଲା । ବଲାଙ୍ଗିର, ସୁନ୍ଦରଗଡ଼ ଆର୍ ପାରଳାଖେମୁଣ୍ଡିରନ ଦିନର୍ ତାପମାତ୍ରା ୩୫ ଡିଗ୍ରୀ ସେଲ୍‌ସିୟସ୍ ରେକର୍ଡ୍ କରାଯାଇଥିଲା ।